


LexicoNordica

Forfatter:	Trond Trosterud
Anmeldt værk:	Märit Frändén, Björn Lundqvist og Karin Wilson. <i>Verbh. En sydsamisk verbhåndbok</i> . Konsultforlaget. Uppsala Publishing House. 206 s.
Kilde:	LexicoNordica 15, 2008, s. 347-353
URL:	http://ojs.statsbiblioteket.dk/index.php/lexn/issue/archive



© LexicoNordica og forfatterne

Betingelser for brug af denne artikel

Denne artikel er omfattet af ophavsrettsloven, og der må citeres fra den. Følgende betingelser skal dog være opfyldt:

- Citatet skal være i overensstemmelse med „god skik“
- Der må kun citeres „i det omfang, som betinges af formålet“
- Ophavsmanden til teksten skal krediteres, og kilden skal angives, jf. ovenstående bibliografiske oplysninger.

Søgbarhed

Artiklerne i de ældre LexicoNordica (1-16) er skannet og OCR-behandlet. OCR står for 'optical character recognition' og kan ved tegngenkendelse konvertere et billede til tekst. Dermed kan man søge i teksten. Imidlertid kan der opstå fejl i tegngenkendelsen, og når man søger på fx navne, skal man være forberedt på at søgningen ikke er 100 % pålidelig.

Trond Trosterud

Märit Frändén, Björn Lundqvist og Karin Wilson. *Verbh. En sydsamisk verbhandbok*. Konsulftförlaget. Uppsala Publishing House. 206 s.

Innleiing

Verbh er, som tittelen seier, ei handbok over sør-samiske verb. Boka er på 206 sider, og inneholder over 4000 verb med fullstendig og eintydig opplysning om korleis kvart einaste av desse verba blir bøygd. Når det gjeld sør-samisk er all grammatisk litteratur som kan gje oss meir informasjon enn vi hadde før, godt nytt. Denne boka er ei slik bok. Meldaren skuldar å gjere greie for at han har sterke eigeninteresser i denne saka: I arbeidet mitt med sør-samisk språktekhnologi er eg totalt avhengig av fullstendige og eintydige opplysningar om sør-samisk grammatikk. Takk vere denne boka har vi no eit fungerande analyseprogram for sør-samiske verb (<http://giellatekno.uit.no/cgi/p-sma.nno.html>), mens substantivdelen av analysatoren vår framleis er meir variabel, og adjektivdelen rett og slett er fråverande.

For kvart verb i registeret har *Verbh* ei omsetjing til svensk. Sjølv om ho som ordbok betrakta dermed står på line med andre sør-samiske ordbøker, er det ikkje her innhaldet i boka ligg. Det er rettare å klassifisere *Verbh* som ei grammatisk ordbok, ei morfologisk ordbok over ein sentral del av det sør-samiske leksikonet, nemleg verba.

Boka består av eit forord og åtte kapittel. Innleiingskapitlet, "Verb-systemet och verbhandboken" presenterer strukturen til handboka og korleis ho skal brukast.

Omtekst

Kapitlet "Hjälpscheman" er eit sett av tabellar som for ei kvar ordform gjer det mogleg å finne eit sett av moglege infinitivar. Problemet med sør-samisk er nemleg at mange av dei ulike stammeklassene ikkje har ein stammevokal, men eit sett av rot- og stammevokalar, som vekslar med kvarandre via eit sett av vokalvekslingar, omlyd. Tabellane er sett opp deduktivt slik: For kvart sett av verbsuffiks (til saman 6 ulike sett), vil kvar rotvokal (mellan 3 og 11) vise til ein eller to ulike stammevokalar. Av i alt 40 rotvokal-suffiksklasse-kombinasjonar er 10 tvitydige og 30

eintydige. I tre av fire tilfelle vil kombinasjonen rotvokal + suffiks bestemme rotvokalen i infinitiv på ein eintydig måte, mens i ein av fire tilfelle er det to moglege rotvokalar. Suffikset *-am* (i Skjema 1, for suffiksa *-am* og *-ah*) kombinert med rotvokal *aa* vil t.d. gje infinitiv med rotvokal på *ae* og stammevokal *-e*, som *tjaalam* → *tjaeledt* 'å skrive', jf. hjälpschema 1 s. 19:

<i>Vokal i den böjda formens 1:a/3:e stavelse</i>	ä ↓	a ↓	å ↓	ea ↓	aa ↓	åa ↓	ua ↓
<i>Vokal i infinitivens 1:a/3:e stavelse</i>	i	e	u	ie	ae	åe	ue

Suffikset *-e* kombinert med åå i forma *gååte* gjev to moglege rotvokalar, *aa* og *åa*, som i *gaatodh* 'å forsvinne' og *gåatodh* 'å beite' (hjälpschema 3). For mange av dei tvitydige tilfella vil det sjølvsagt ikkje vere meir enn eitt mogleg verb, slik at det vil vere færre enn 25 % tvitydige tilfelle. T.d. vil *-a* og *ua* for ordforma *ruahta* etter hjälpschema 2 teoretisk gje oss formene **ruehtedh* og *roehetedh*, men berre den siste er belagt i registeret, som 'å springe'. Dette hjelpeskjemasystemet gjev ei meir presis skildring av sørsamisk verbmorfologi enn vi tidlegare har hatt tilgang til, og allereie her står vi med andre ord framfor eit fint stykke nybrottsarbeid.

Verbparadigma

Dei neste kapitla, "Oregelbundna verb", "Jämnstaviga verb", "Uddastaviga verb" og "Kontrakta verb"¹ presenterer verbparadigma for dei ulike stammetypane. Sørsamisk har tre uregelrette verb, negasjonsverbet, kopulaverbet 'å vere', og modalverbet *edtjedh* 'å skulle', desse blir lista opp med eigne paradigmer. Negasjonsverbet er sjølvsagt uregelrett, det har berre finitte former. Kopula er uregelrett på mange punkt, framfor alt ved å ha eigne former for når det står til nektingsverbet, ved å ha ei suppletivistisk form (frå *årrodh*) i perfektum, og ved å ha ei uregelrett stammedanning. Verbet *edtjedh* skil seg frå verb som *vedtedh* 'å gje'

¹ Dvs. uregelrette, likestava, oddestava og kontrakte verb.

ved å ha ein avvikande vokalisme, og ved ikkje å ha lange preteritumsformer. Desse tre verba må med andre ord ha eigne paradigmer, noko dei altså også har fått.

For likestava verb er Verbh meir eksplisitt enn tidlegare grammatikkar. Sørsamisk har seks stammeklassene for likestava verb (markert I–VI i Bergsland og Mattson Magga 1993). I Verbh får vi eksplisitte paradigme for alle seks, og dermed sjå at det berre er tre av dei som har omlyd, nemleg klassene I, II og IV. Dei andre tre klassene manglar omlyd. Også for ulikestava verb finn vi ei eksplisitt drøfting. I tidlegare grammatikkar, som t.d. Bergsland (1982), har vi berre hatt eitt paradigme for ulikestava verb. Her får vi ein uttømmande oversikt. Verbh er med andre ord meir eksplisitt og uttømmande enn tidlegare grammatikkar.

Kontrakte verb

Verbh fører opp eit eige paradigme for såkalla kontrakte verb, noko som er kontroversielt. I samisk og finsk grammatiske tradisjon viser nemninga ”kontrakt” til verb som i dag har ei stamme på to stavningar, men som historisk har hatt tre, og der dei gamle trestava stamma står att i visse bøyingsformer. I lemmalista fører *Verbh* opp 18 kontrakte verb, alle inkoative (*billijidh*, *dabtijidh*, *damtijidh*, *doeltijidh*, *dåårijidh*, *gååtijidh*, *iervijidh*, *jojkijidh*, *mënnijidh*, *obrijidh*, *orrijidh*, *rïjkijidh*, *skiebtjjidh*, *skiëmtjjidh*, *tjoevkijidh*, *tjåårijidh*, *tsihkijidh*, *voejijidh*). Forfattarane presenterer desse verba på denne måten:

Det finns olika åsikter om de kontrakta verben i sydsamiskan. Vi har valt att följa Håkan Rydvings böjningsmodell, som delvis sammanfaller med paradigm som ges i Mikko Korhonens Die Konjugation im Lappischen (...) och i grammatikdelen av Gustav Hasselbrinks ordbok. (...) Knut Bergsland tar emellertid inte upp någon kontrakt verbböjning i sin sydsamiska grammatik, och kontrakta verb brukar heller inte finnas med i vanliga läroböcker.

I eit korrekturark til Verbh, som er sirkulert av Björn Lundqvist, blir denne bøyingsklassen kommentert slik:

3. sid 86-87 'billijidh'. Vi har fått påpekanden om att (mönsterverbet) 'billijidh' inte är ett kontrakt verb utan böjs som ett vanligt uddstavigt. Man menar att med vårt kontrakta böjningsmönster så sammanfaller böjningen av 'billijidh' i vissa personer med det tvåstaviga verbet 'billedh' IV, vilket böjs som 'mënnedh' IV och att man därför bör böja 'billijidh' som ett uddstavigt verb.

Det er rett at kontrakt *billijidh* 'bli rädd' (med *bill-* som stamme) fell saman med eit alternativt *billedh* 'vara rädd' i «vissa personer» (i 15 av 18 finitte former, og i 7 av 9 presensformer). Men dette i seg sjølv er ikkje nok til å slå dei to stammeklassene saman. Kontralt *billijidh* skil seg frå *billedh* i presens og preteritum 3Sg, i presens 3Du, og altså i infinitiv. Med eit ulikestava *billijidh* (med *billij-* som stamme), vil ulikskapen vere større, med samanfall i infinitiv, og i presens berre i 3. person dualis.

Spørsmålet er kva som skjer for dei tilfella der dei tre bøyingsmönstra har ulike former. Dei tre bøyingsmönstra fordeler seg slik, i presens (tabellen viser bøyingen av likestava *billedh*, og kontrakt og ulikestava bøyning av *billijidh*):

	Likestava bøyning	Kontrakt bøyning	Ulikestava bøyning
1 sg	billem	billem	billijem
2 sg	billh	billh	billjh
3 sg	bælla	bællie	bællije
1 du	billien	billien	billijien
2 du	billeden	billeden	billjidien
3 du	bælliben	bællijægan	bællijægan
1 pl	billebe	billebe	bællijibie
2 pl	billede	billede	bælljidie
3 pl	billieh	bællieh	bællijieh

Korhonen, Hasselbrink og Rydving er ein sterkt trio i sør-samisk lingvistikk, og ein positiv effekt av at *Verbh* eksplisitt presenterer det kontrakte bøyingsmönsteret, er at vi no kan undersøke kva verbformer som faktisk er i bruk. På giellatekno-prosjektet har vi laga både kontrakte og ulikestava paradigmer for *billijidh*-verba, og gjeve dei ulike taggar (+CTR og +ODD). Ei førebels teljing viser 24–15 i favør av ulikestava over kontrakt (på eit korpus på i overkant av 64 000 ord), men det trengst ei nærmare analyse av kvart einskild tilfelle, og framfor alt eit større og meir variant korpus, for å kunne seie noko meir om dette.

Ei anna sak er sjølvsagt det normative aspektet: Viss sør-samiske normeringsorgan går inn for at desse verba skal normeras som ulikestava verb, så blir dei det. For vår del på giellatekno-prosjektet vil ei slik avgjerd innebere at normative genereringsprogram (som <http://giellatekno.uit.no/cgi/p-sma.nno.html>) og eit framtidig sør-samisk ordretteprogram ikkje vil innehalde det kontrakte paradigmet, men sannsynlegvis at vi vil

halde på det i den deskriptive analysatoren vår (for å kunne analysere dei kontrakte formene som evt. likevel kan vere i bruk). I alle fall er det positivt at *Verbh* har sett denne problemstillinga på dagsorden.

Lemmalista

Verbh inneholder omrent 4000 verb (både grunnverb og avleidde verb). Som tal på grunnverba i eit språk (dvs. utan moderne, uassimilert lånord, som sørsamisk og dermed også *Verbh* har lite av), er ikkje 4000 urovekkjande lågt. På den andre sida har dei samiske språka (også sør-samisk) eit rikt system av verbavleiningssuffiks, noko som inneber at 4000 ikkje er noko høgt tal. Eit grunnverb (og eit grunnsustantiv) kan i prinsippet danne eit tosifra tal avleidde verb, og sjølv om talet på leksikaliserte avleiningar i gjennomsnitt er lågare, bør ei samisk verbliste nok fleirdoblast, samanlikna med språk utan verbavleing. Det er likevel verd å merkje seg at standardordboka over moderne sør-samisk, Bergsland og Mattson Magga (1993), ikke inneholder meir enn om lag 4400 den heller, og at svært mange av dei er referansar til parallellderformer.

Verbh i bruk

Som andre verbhandbøker ("501 spanske verb" o.l.) er ei bok som *Verbh* nyttig for språkstudentar. Med hjelp av denne boka er det mogleg å finne böyinga av ei kvar verbform. Skilnaden mellom sør-samisk og spansk er at mens det for spansk finst mange andre kjelder, framfor alt mange ulike typar av kjelder, er dette den einaste uttømmande kjelda til denne informasjonen for sør-samisk. Bergsland (1982) gjev rett nok verbparadigmer for ulike- og likestava verb, men ikke for alle stammeklassene, og slett ikke for alle omlydsklasser innafor kvar stamme-klasse. Bergsland og Mattson Magga (1993) gjev informasjon om stamme-klasse for kvart einskild verb, men ikke om omlydsmønsteret. Med både grammatikk og ordbok tilgjengeleg er det i prinsippet mogleg å resonnere seg fram til rett form, men stamme-klasse står i ordboka, og suffiks og omlydstabell står på to ulike stader i grammatikken, og sam- bandet mellom ordform og omlyd er ikke alltid eksplisitt i grammatik- ken. Det er stor interesse blant unge sør-samar for å lære seg sør-samiskspråklege heller enn for norskspråklege. *Verbh* er eit brot med denne tradisjonen, og derfor ei svært viktig bok.

Manglar ved boka

Viss det er noko som manglar i denne boka, må det vere ei baklengssortert liste over verba. Det ville ha gjeve ein ny innfallsvinkel til settet av verb, og vere til nytte for alle som prøver å sjå systematikken i det sør-samiske ordforrådet.

Ordboka inneheld eit par trykkfeil, summert opp på ei errataliste, til-gjengeleg frå forfattarane (verbh@same.net). Ein av feila har større konsekvensar enn andre: På s. 76 har det trestava verbet *goltelidh* 'lyssna' ei 3Sg preteritumsform på *-e*, denne utgjer den einaste skilnaden på suffiksa mellom denne og dei andre klassane *Verbh* sett opp for ulikestava verb (det finst andre skilnader, men dei er i stammevokalismen). På bakgrunn av dette suffikset sette vi i giellatekno-prosjektet opp to separate bøyingsklasser for ulikestava verb, og grupperte verba deretter. Men så viste det seg altså at *e-en* var ein trykkfeil, *goltelidh*-verba skulle ha *-i*, dei som alle andre ulikestava verb.

Oppsummering

Baksideteksten konkluderer med "Verbh är (...) ett oumbärligt referenshjälpmittel för alla som kommer i kontakt med sydsamiska." Det er lett å vere samd i ein slik konklusjon. Med denne boka har sør-samisk fått eit nytt og særskilt viktig tilskot til den grammatiske litteraturen sin. Boka er laga med den filosofien at sør-samisk er eit språk som kan lærrast, og at det dermed trengst uttømmande informasjon om grammatikken.

På toppen av alt er boka også ei svært vakker bok. 206 sider med tabellar tettpakka av informasjon er ikke det ein skulle tru var mest innbydande, men her blir paradigma opphøgd til poesi, og gjev dermed ein ny dimensjon til grammatikkens estetikk.

Det er all grunn til å gratulere Märit Fränden, Björn Lundqvist og Karin Wilson med arbeidet dei har gjort. Verbh fortener ei plass i bokhylla til alle som arbeider med sør-samisk, og kan tene som modell for alle som vil lage tilsvarende verk.

Litteratur

- Bergsland, Knut 1982: *Sydsamisk grammatikk*. Universitetsforlaget.
- Bergsland, Knut og Lajla Mattsson Magga 1993: *Åarjelsaemien-daaroen baakoegærja / Sydsamisk-norsk ordbok*. Indre Billefjord: Iðut.

Trond Trosterud
forskar
Humanistisk fakultet
N-9037 Universitetet i Tromsø
trond.trosterud@hum.uit.no